

四庫全書

集部

欽定四庫全書

集部

元風雅後集卷九至十二

詳校官通政使_臣夢吉

助教_臣常循覆勘

總校官庶吉士_臣倉聖脉

校對官中書_臣范來宗

謄錄監生_臣龔果

欽定四庫全書

元風雅後集卷九

元孫存吾編

富珠哩冊

題周益公墨跡

今觀益公帖老氣蕭鋒鉅孫氏青毡永宜開寶墨堂

題益公荅孫魯齋帖

丞相裁詩荅布衣殷勤辭翰挺珠璣秋風吹落蒼松樹
二百年來此道非

孫義方壽慶堂

誰似孫家鶴髮親
昇平重見至元春
主兒不必公侯貴
日聚詩書福縉紳

理伯容

江西憲掾

餞陳中山

涉美一樽酒
別我同年兄
同清更同苦
春曉都門行
南樓又相識
即別難為情
浩浩長江流
忍聽陽關聲

甘恪

餞理伯容赴江西憲掾

朝辭江漢水暮宿匡廬山
番禺匡廬下中有蛟龍闕龍
君閱出久風飄司往還
理子賢良資神鬼敢有奸道遙
十二仙遲去聲子湖之顏
高高肅政臺去去登清班
坐觀黃鵠起邈焉不可扳
端逢縻處士文酒樂餘閒

陳是若

餞伯容

南浦秋高蒲葉黃
驄馬行行之豫章
渥洼神骨特奇俊

龍沙勁氣故蒼茫
貂蟬入直月未曉
獬豸當途劍倍光
人材已是科名得
送君猶是望文昌

劉孟曄

錢伯容

沿檄東行玉節光
匡廬雙劍照寒芒
文星移次傍南斗
楚水餘波及豫章
白簡分明千里月
清標氣肅九秋霜
斯文幸托蘇天庇
泮水春融芹藻香

劉夢羲

錢伯容

白髮重游漢水濱
爨桐幸遇按絃人
詩書潛玩簞瓢樂
山水清幽戲筆新
天霽蟾宮高獨步
霜寒柏府寂無人
一樽好共南樓月
別掉西江浩蕩春

張小山

四明人

次韻酸齋君山行

蜀江湘流合千里
中有蒼崖壓秋水
仙人金冠坐鐵船
反披紫裘初醉起
小龍二女相從遊
眉山低壓青黛羞

寄書不通雙淚流三十六宮明月秋花邊
袖玉堂手老來頓覺嫦娥醜岳陽樓下喚
開門神仙幾年曾醉否
挾雲老鶴去不還青青一點天涯山

天劍歌

將軍躍馬來南荒腰間古劍白練光
鷗鵲塗香魑魅泣寒芒熠熠勾陳蒼
龍髯高釘珠堂月玉華曾拂樓蘭雪
為君盡斬奸臣頭天狗三更下舐血

章伯亮

雲南人

次韻唐佐自京庠歸覲

天邊清湛如璜水筆底生春多秀士摩空三百六十字
準擬明年獻天子西江千樹梅正花家人祝鵲催還家
愧我汗青頭欲白夢到雲南與天地

行路難

奉君七寶鳳凰之綉柱五色麒麟之錦裳王母九霄觴
中之酒秦女萬縷爐中之香去年紅花今年開昨日紅
顏今日老一生三萬六千日歡日願多愁日少對吳歌

看楚舞歌舞忽忽變今古歸去來莫行路

拜特穆爾

唐古氏

溪山春曉

興來無事上幽亭雨過郊園一片春
路失前山雲氣重
帆收遠浦客舟停
笛笙野館二三曲
燈燭林炯四五星
坐久不堪聞杜宇
東風吹我酒初醒

趙由儕

述祖詩

悠悠我祖始于軒丘撫歷高陽秩秩大猷爰自伯益舜
錫旱游中衍事商造父御周征彼徐方熊熊有功邑于
趙城大河之東建氏晉國耿先其封成宣喻日畏夏愛
冬岍賈作難嬰臼立孤褰子始大常山得符於赫列侯
懋建丕圖肅矣武靈兆配有虞西漢子都生長河間暨
于唐末今族居燕卜遷大梁世系綿綿厚德豐功宜永
其傳中罹多難南歷江沱眷焉吾宗豐水居多百川有
原衆條有柯庸脩家牒克俾無訛顧予伯仲憂患多更

瞻歎古烈自愴其生其生豈偶三辰垂精德業未進敢
不戰兢我心伊何常念厥初感彼霜露愴焉踟躇奉先
如在宗戚相於亦有諼草高堂可娛惟忠惟孝立身有
本嗟爾後進勗哉自勉萬有能銷斯道無泯溫恭朝夕
云胡不謹顯親揚名俾昌俾熾善保家聲期于勿替尚
念前人留心譜系受天之慶遠及苗裔

臨川吳先生讀之而歎曰純粹忠厚自德性流出油
然冲和之意真古人之詩也蓋其有本是以若此又

曰中山年少于吾吾不敢以友命之也泰定甲子十月十九日國子司業蜀郡虞集書

思親詩

予讀魯齋許文正公七月望日思親詩因見其天理沛然自胸襟流出永感者聞之必增其悲具慶偏侍者由此寧不加敬自思兄弟往年當喪亂之餘不幸失怙藉慈母教養成入真昊天罔極之思也輒推廣其意而述五

言古詩一篇五十二句以紀平居之懷納之
書藏將示後人俾知所自云爾庚戌歲二月
望日中山居士趙由儕識

一自先君逝世行將四十春音容尋日夢感慨試詳陳已
歎生緣淺還思故國屯吳江悲血戰粵嶠困車麟共叱
艱危甚尤驚賦斂頻朔風吹廣野赤日照流塵既洒呼
天淚方為辟地民撫時非往昔感憤竟湮淪翕霍傳梅
外倉黃問水濱諸孤隨弱母大慟向秋旻越歲寧戈甲

歸鄉辦窀穸酌觴號雪夜扶柩履霜晨家緒中微甚人
間事一新孩提慙不肖操守賴慈親絡緯燈前教襦袴
膝下馴田廬勤保任門戶幾憂辛文獻由先德扶持荷
化鈞宣華明晚景荆樹際芳辰眉壽斟瓊蟻春暉奉綉
茵雖非登執要自不厭清貧努力尊天爵勤心報大倫
歸全期不忝化俗異還淳信墨存家乘傳芳待後人年
年思雨露歲歲省松筠至念通天地長歌感鬼神珍藏
歸韞匱大孝慕終身

郭君彥

真定人

海東青

海東俊鳥異鵬鶚金睛玉爪不凡材八月風高度海來
劍翮怒斫雲陣開虞人設網心獨苦獲之不敢觸毛羽
為言此鳥獻天子年年進入明光裏驛使長懷萬里憂
傷者還同殺人罪君不見唐太宗魏公入奏久未去不
知鐵鷁死袖中小臣但願聖皇脩德放此鳥自有鳳凰
遶御瑞圖飛下五雲表

入京五首

虎踞龍蟠十二門，王侯第宅若雲屯。
百蠻入貢天威遠，四海朝元國勢尊。
曉日旌旗明禁路，春風簫鼓沸名園。
唐虞堯舜今皇是，未必江潭老屈原。

蓬萊御氣挹宸輶，萬國河山擁帝家。
金殿勢吞滄海日，玉樓光映赤城霞。
巨鰲偃蹇乘丹闕，舞鳳飄飄翼翠華。
遙望至尊遊幸處，六龍高駕五雲車。

鳳凰城闕壓金湯，龍虎旌旗護未央。
萬國衣冠朝玉座，

百蠻歌舞進瑤觴花迎宮扇紅雲曉日照天袍翠霧光
江海小臣無以報空將詩句美成康

大明宮闕勢嵒崑萬歲聲高山動搖金殿九重明日月
玉樓十二挿雲霄青絲馬上王孫貴丹轂車中趙女嬌
自是鳳城春色好肯將心事許漁樵

翠輦毡車往復回風清九陌障黃埃錦袍公子呼鷹出
茜帽僧官躍馬來雲外笙歌聲宛轉水邊樓閣勢崔嵬
少年自有看花興欲賦觀光愧不才

野寺晚景

寺對清溪水遶關冷然鐘鼓翠微間樓臺無影日沉海
松檜有聲風滿山猿嘯石亭遊客散龍歸雲洞老僧閒
詩成一笑歸來晚獨掉扁舟泛月還

送泗州同知僉世南赴任

夢喜三刀驗之官正少年龍纒倚天劍虹遶載春船淮
泗名先振湘潭政可傳門闌多喜氣屢見出英賢

錦衣臨泗水仙境足吟哦煙樹連淮遠雲山入楚多濟

川功不少經世意如何會見沙堤上春風响玉珂

西山道院

幽居絕瀟洒深院鹿成群山色開窓得泉聲隔竹聞猿啼臨水樹風送渡溪雲客至渾無事談詩到夜分

宮詞

宮娃辮髮綰垂鬟嬌面圓如白玉盤出入紅門能走馬綉衣縹緲似乘鸞

年少宮官着綉衣麒麟寶帶束腰圍日斜醉出金門裏

騎得龍閑白馬歸

閒居春晚

深巷絕行人一鳥鳴高樹不知春色深
花落夜來雨

早春湖上

柳芽黃淺不勝春沙暖泥香草色新
鷗鵝雙飛湖水濶
相思愁殺倚欄人

秋郊

路穿黃葉林馬嘶秋色裏白鳥何處來
飛下野塘水

張鳴善

平陽人

李陵臺晚眺

雲黃沙白遶平原
獨立崇臺思黯然
地僻尚知秦遼塞
草青不是漢新年
非慚步武賢王後
反欲捐生太史前
誰謂茂陵明似日
重光惟照漠南天

秋興亭次韻

巫峽秋濤萬里長
荻花楓葉亂蒼茫
青山礙目無閒地
白雁牽愁有夕陽
神禹拓殘扶大氣
長庚星墜靜南荒

已將今古同行客何必登臨憶侍郎

題史橘齋山水手卷

神仙中人丞相子五色玉立瑤池芝謝傳風流歌舞處
羊公慷慨登臨時興來酒洒雲烟遶身後名隨日月遲
安得飈車從上下蓬萊指點看參差

見釣者

宇宙俱為客江湖獨釣翁笛聲吹海月竿影倚秋風天
定行藏拙時清禮法通古今惟范蠡落落落幾人同

送入游廬山

曾到匡廬境，巉峰際碧空。
萬松無路入，一水與天通。
白鹿眠晴晝，青猿嘯晚風。
洪崖如可約，吾亦訪雲中。

次盧參書御溝水韻二首

華清波色漢陽溝，不似粼粼暖綠柔。
飄盡上林紅萬點，又從天上送春愁。

堤頭春漲碧琉璃，堤外春陰海子時。
同是玉泉山水下，可憐波浪太參差。

員怡然

關中人

送陳文理還京師

十年不見老元龍
髯鬚蕭蕭帶朔風
萬里關河秋月白
九重宮闕曉雲紅
功名有分皆身外
聚散無憑似夢中
問我能來定何日
移家今在五門東

元風雅後集卷九

欽定四庫全書

元風雅後集卷十

元 孫存吾 編

訪原頭范君才

長憶原頭范隱君
我來踪跡不相聞
林鳩屋角啼清晝
山犬籬邊卧白雲
藥石猶能資疾病
丹青不畫功勳
藻陂家主應遙念
一路秋陽草樹薰

脩琴

桐梓年深半裂開
嶧陽道士獨憐才
細磨蛇腹秋風起

輕鑿龍池夜雨來
此日銘邊重注字
當年爨下欲成灰
何時試鼓陽春曲
預拂空山小石臺

月中挂

雪風吹老樹婆娑
輪滿芳枝長漸多
萬古秋香懸宇宙
一枝清影照山河
雲間啣子無黃鵠
天上看花有素娥
折向人間應不識
九重清露濕鳴珂

寶應寺塔

五色雲中現七層
不知何代法門興
歸來遠客長迎望

老去閒僧已倦登金鐸無聲風不起寶瓶有影日初升
時聞梵唄盤空下知是檀那夜施燈

揚信可

臨江人

和揭曼碩兼懷武昌名勝

親友日以疎江漢日以深孤雲懷海嶠倦駟思長林終
然念所知沿流動悲吟豈無後日期邈若隔千岑安得
好風來冷然入中襟日與親友會微言自規箴

和盧子儀寄懷盧肅政止巴陵王侯

人生有知遇永懷不可忘俯視萬丈淵仰睇千仞岡青
山何其高江水空自長忽憶石濠叟別我半載強昨者
從湘中歲晏歸朔方孤舟渡淮水遺我滿滄浪迢迢天
際雲青青陌上桑

次韻酬呂文學

後會未可必前路轉多山鷄鳴發孤館蒼涼雲樹間俯
視清溪流仰睇高鳥還念此別離情南山正孱顏

鹿角站阻風

風送洞庭沙
維舟隱荻花
水拈魚上罾
秋老燕移家
日暮長河急
天寒去路賒
故鄉三十驛
歸夢遶天涯

奉別存初郎中臨湘月下泛舟

西風吹老白蘋洲
天上郎星月下遊
過雁影沉湘水碧
斷猿聲入楚山秋
歌翻白苧猗蘭泣
夢落黃陵帝子愁
夜半鐘聲天曉角
猶疑身在鳳池頭

望池州作

黃蘆瑟瑟草油油
樓閣參差瞰碧流
萬里長江秋色遠

一帆斜日過池州

鄧德良

南昌人

涉圃

林塘草樹接江干
一日三回涉圃看
白雁不來綠地暖
黃花微瘦覺秋乾
隔溪烟火人家靜
傍水樵蘇野氣寒
柴戶反關生事了
晚松種罷雨漫漫

晚眺

晚步從容出薜蘿
吟詩聊當竹枝歌
寒流漸縮溪船少

臘雪不成山霧多
官賦人歸荒嶺路
野燒烟起夕陽坡
江鄉盡處閑鄉近
老盡塘蒲無雁過

送陳杏林赴潮州醫學教授

三千驛路上灘船
九品醫官半百年
藥市得錢添月俸
杏林收穀當公田
北書漸覺江鴻少
南食初嘗海鱸鮮
不用越巫驅瘴癘
家家傳取衛生篇

寓舍春晚

柘陰初合豆初畦
門掩春寒落絮遲
薄暮一樽還獨酌

金史卷之八
卷十
坐看微雨濕茶蘼

中秋憶家

千里星河一鏡圓
杜陵兒女隔秋烟
遙憐此夕柴門裏
相對清樽說去年

早冬過聶氏西江別墅

紅葉青山載酒行
山人新結野庵成
西簷一樹梧桐好
他日重來聽雨聲

清景亭邊秀作堆
竹聲松影共徘徊
野藤繞屋多秋實

時見山禽引子來

李宗別

盱江人

題嶽溪禪林精舍

朝遊適嘉霽遂暢尋山願厓日破層陰晨經罷幽殿年
深樹益繁像古閣重建夜來天地霜松色了無變宛然
巉崿間廬岳復茲見山僧四五人屢訪期識面

和傅伯永月夜泛舟

夕霏已掃林綠波際遙天浮雲蕩倒影相與波清川愛

此山水趣聞歌心益便沿洄隨意遠落月照歸船

古隴頭吟

天寒隴水嗚嗚咽夜領銳兵從此發海風吹人眼欲枯
上隴猶看嶺西月悲飀蕭蕭霜滿天十里一堠烽火連
去年初度彈箏峽今年復引月支泉從軍辛苦事征討
將軍功大殘兵老

秋夕江上

水館螢飛入沉沉夜未眠衆星搖雨後孤月轉河邊草

木寧悲候江山不記年忽聞吹管急況有估人船

代項氏怨

并敘

燕山項氏其夫江南人行賈燕薊間聘項與
居未幾夫死項時年二十奉柩回江南誓以
夫餘貲養姑以自終比至姑改適項勵志子
居以守夫祀余憫其事而賦之

少無依倚老何堪白髮婆婆亂不簪夢裏尚思江北好
悔將夫婿葬江南

贈深上人

處處隨緣到經年此托蹤不言鄉國遠惟指對門峰

王尚志

臨川人

暹國迴使歌

并敘

暹赤眉遺種天歷初嘗遣使入貢今天子嗣位

繼進金字寶章九尾龜一象孔雀鸚鵡各二朝

廷以馬十疋賜其國主授使者武畧將軍順昌

州知州使者錢塘人江東羅儆作歌僕和之

江東先生遠扣門口誦暹國迴使歌高秋夜靜客不寐
歌辭激烈聲滂沱東南島夷三百六大者只數暹與倭
暹人云是赤眉種自昔奔竄來海阿先皇在位歷五載
風清孤嶼無揚波方今聖人沾德化繼進壤貢朝鸞和
紫金為泥寫鳳表靈龜馴象懸鳴珂彤庭懷遠何所賜
黃驪白駱兼青驛卉裳使者錢塘客能以朔譯通南訛
遙授將軍領州牧拜舞兩頰生微渦樓船歸指西洋路
向國夜夜瞻星河金雞啁哳火龍出三山宮闕光嵯峨

鄱陽驛吏親為說今年迴使重經過先生作歌既有以
却念黎獠頻驚訛田橫乘傳嗟已矣徐福求仙胡爾訛
豈知遲國效忠義勲名萬世同不磨

同鎮陽李先輩登臨川擬峴臺

楚塞蕭條客復來已無秋渚藕花開西風曠野孤城出
落日清江白浪迴山似襄陽非故國地連吳會有高臺
南歸萬里頻回首潦倒徒傷賈傅才

季冬初三夜見月

向晚西簷月，令人生夜思。
山川徂杪歲，雲漢負秋期。
素魄窺恒滿，良宵惜屢移。
清暉可攬結，脈脈寸心知。

送孔掾之鰲谿

古縣青山裏，溪橋春水流。
沙明殘雪在，市散夕嵐收。
解宇鄰仙洞，更聲雜戍樓。
憐君趨幙舍，微祿暫淹留。

登冷仙岩

仙岩酌酒杏花紅，滿地金濤日上東。
洞底香風散靈氣，游人都在紫雲中。

舒州張萬戶馬

舒州營裏將軍馬
曾向西征破賊來
伏撻金創秋氣重
斷腸當日戰初回

南園

蒼苔翠竹轉林暉
野菊花開過客稀
樹底秋蛩作寒繭
雨晴黃葉滿園飛

徐天逸

擬古

皎皎機上絲織為遊子衣遊子蕩風塵素衣化成緇風
塵不可避四顧將何之豈不念潔白徒重翟子悲勗哉
加澣濯河水清且漪

娉婷閨中女天質知自愛空懷蘋藻心日月苦行邁蹇
脩意良勤遲遲如有待未嫁庸何傷失身將重悔

婉婉自結髮伉儷情意深夫征日易久魚雁成消沉自
憐鏡中貌衰白將駸駸有衣為誰薰有花為誰簪顧影
雖無儔秉心猶斷金青天懸明月照影不照心

君馬黃

君馬黃我馬白青絲聯絡黃金勒長安紫陌爭馳驅一
日秋風各西北酌君酒君莫辭與君更作汗漫期神龍
不可羆天駿不可羈乾坤浩蕩信所之人生行志當及
時兩情繾綣將何為丈夫不作兒女悲

田家詞

犁田無牛秧易老養蚕未繭桑已空二月新絲五月穀
如何解折今年窮

秋風詞

秋風一舸歸晚泊芙蓉渚折房遺所思的的中心苦

清明有所思

菽水歡娛淺松楸感慨長西家白頭嫗門外倚斜陽

山中初霽

久雨客不來燕坐了晨夕今日出東郊門外草三尺

施性初

臨川人

古井

地脈深三丈寒甘漱石甕最宜探月色獨坐聽泉聲
許鄰人汲廢餘秋草生元非投轄處水不近交情

秋日田家

高高青標樹忽有鵲鳩鳴雨後晚田熟門前秋水生
鄰家賽社去野犬吠人行泥潦相淹久明朝歸計成

郊園宴集得荷字

脫帽長松下探幽到薜蘿翠禽翻岬篠紫芡刺池荷
人影追涼散蟬聲入暮多當攜謝公妓載酒重經過

萬年坪坐雨

復此留三日秋陰未肯晴雨懸抄樹白坡落石泉清未
可言羈寓聊堪遣性情草蛩離落下時作不平鳴

喜徐宗道自金陵歸

雲樹相思久年年賦式微淮南芳草歇江上故人歸日
夕開新酒天涼換袂衣從容亦自好墨綬與心違

李道傳留九江以詩見寄

水鄉城郭晚烟稠遙想思歸上庾樓潮落湓城魚作浪

雨餘淮甸麥先秋一搏濁酒懷親友數首新詩歎客愁
我正山中招隱者秋風應棹木蘭舟

雨中同從弟宿田舍

鵲鵲相逐暮天陰破帽長江覓短吟十頃水田春布穀
一天風雨夜同衾草腥宿雁投湖水烟暝歸牛入柰林
明日東隣赴鷄黍汝還不飲我孤斟

傅謙則

學正

東山有鵲巢

金衣荊棠海頭鷗胡不啄此鷗梟目劍翎鈎爪韝上鷹
胡不食此鷗梟肉東飛西飛正頡頏開口呀呀無飽足
天何生此不祥鳥白日妖呼鬼夜哭羽毛似可美外飾
腸膽豈知懷內酷月明風淡霜氣寒三繞高枝雀驚宿
綢繆牖戶固根本一叫一鳴千百毒將軍只逐天邊鹿
誰敢挾彈滄江曲

元風雅後集卷十

欽定四庫全書

元風雅後集卷十一

元孫存吾編

熊勿軒

前進士

士子雲谷春禮徹俎郡侯素軒先生絨題雲谷
書院道原堂及晦菴師友道義之祠七大字致
山中秋立扁簡諸同志二首

伊洛何年此道南
道原堂上意誰參
古文夫子遺經六
建學文公精舍三
落落此生徒苦志
悠悠吾道豈空談

是邦賴有賢師在扶植斯文首晦菴

廬峰山下義寧村重構新祠儼後先兩字孝忠存祖訓
一原道義繼師傳高山屹屹幾千仞喬木陰陰四百年
多謝故交不相棄年年秋菊薦寒泉

題赫曦臺四景

薄暮明霞

赫曦薄暮真奇絕初到殘陽復西沒仙霞山外何處山
五彩烟霞互明滅須臾羣陰解剥盡雨脚如麻漸閑豁

真真渤海不可留空有殘霞半天赤

中宵皓月

赫曦日夕真奇絕最好中秋看明月竦身飛上第一峰
不覺清寒近天闕初離海角猶空濛行到天心轉寥泝
今宵端正照山河長笛一聲愁欲裂

中夜白雲

赫曦中夜真奇絕起視茫茫大瀛渤風濤雪浪無際涯
絕岬時看孤島出洪爐巨甑如蒸炊圓形宇宙非金石

直凌倒影窺三光俯視塵寰始超越

雞鳴出日

赫曦清旦真奇絕遠望海門觀出日金戈鐵騎走千群
閃閃萬旗張天赤火輪飛上使人驚燦眼祥光成五色
扶桑浴久升何難認取真精凝太極

羅太瘦

前貢士

述懷

淮海歸來二十年結廬仍向舊山川既無酒債貧休恨

浪得名老尚傳曉日輪蹄思柳外春風羯鼓在花前
如今靜聽瓶笙韻猶似當年咽管絃

題鶴林宮

暑往寒來迭世間有誰千載駐朱顏騎鯨客去天連水
跨鶴人歸月在山爐火頓消情慾境劍金須斷利名關
烟莎隨分岩前綠猿馬不驚春意閒

雷

機

儒學提舉

題孫義方慶壽堂

九袞慈親四世俱不妨閉戶讀殘書義方自有傳家懿
慶壽因知積善餘萱草春風萊子袖桂花夜月鄴侯書
許公大筆高堂鎮從此并鄉且故廬

毛靜可

儒學教授

贈閻萊山書吏

吟身宇宙一攀龍三逕清風四牡同菽水有懷雙鬢東
萊山入夢十年中布衣稷契詩書澤治世巢由猷畝忠
春在江南倚樓處雲霄萬里見冥鴻

時秋積雨霽

醞釀豐年付老農挽回涼信報詩翁
巫山久暗埋寒碧湘水初明浴晚紅
簾捲抑陰先得月簾橫梧影早噓風
天公快我披雲願萬里乾坤一望中

復齋陳以仁

三山人

拜西山真文忠公

仰止西山翁千載祀不絕文章立準繩
青史施名節世降風俗薄人心多詭譎
遺像儼如生再拜懷先哲

次熊勿軒書榻可字韻

一榻清幽無不可有客過從但虛左書讀萬卷胸次明
平日操存要在我哦詩得句豁昭曠飲酒沾唇戒慙懼
此時要學乖崖翁一劍橫陳斷心火

陳野雲

樓中

心為高明喜新秋入遠眺斷崖雲氣合古樹雨聲多萬
事成真率一盃還太和客來論得句客去自高歌

過祈山

袞袞牛頭萬嶺春
橋虹欲訪武夷君
青山野燒未藏石
碧岫無關祇住雲
蓮社肯從元亮酒
石門宜有謝公文
飛泉苦茗伊蒲供
靜看風幡何足云

夢覺

午夢將身過華雲
猷雲欲訪卧雲人
覺來偶識東風面
送我飛花一片春

無筍

暖透苔痕三徑深竹根稚子竟潛身疎林自要添風月
豈是雲山不受春

擇選官圖

都尉能官爛羊胃將軍大誥不易醉功名自古幻兒嬉
一擲三公亦塞意

幽境

琅玕十萬擁華屋門外寒泉曲曲綠白鶴未歸山更幽
劃然谷應開碁局

過深山三家村

入山隨意去探勝欲窮源萬樹綠陰雨三家黃犢村藜
羹有風月井湊自乾坤莫問征徭事桃花應斷魂

登高晚歸再飲

攜客登高晚未休振衣千仞巒颼颼平山落日送千古
破帽西風又一秋處士生涯離菊在醉翁意緒水雲悠
金樽未盡尊鱸美明日隨人到小樓

友人同旅宿

偶作西州客同聽秋夜蛩月窺孤榻夢風約半城鐘炊
店催晨火鄰家尚宿春隔旬歸舊隱日出睡從容

梅花

暖透仁根太極枝南枝北景催詩千林萬壑雪深處
兩蘂三花春到時皎皎不知清作聖稜稜無復瘦如斯
矐仙相對花應笑總是三生姑射姿

山寺避暑

孤刹遠林外投分半日涼磬聲綠曲塢塔影避斜陽花

石禪房靜茶瓜客意長
翻思十年夢揮汗度羊腸

曉行別客

倚涼度晨嶺
浥露逐麋群
松濫半身雨
山懷兩腋雲
一蟬秋意足
匹馬客程分
總是江南路
逢梅不寄君

山庵四景

窓壓松陰日滿山
鵲聲和影過窓間
落花風定游絲墜
一縷直尋香篆閒

挂杖敲雲深入山
枕琴時卧白雲間
偶然澆藥逢翁釣

坐失揄陰相伴閒

秋雨新涼多在山
清涼應不是人間
桂花滿地蛩聲細
人共一庵風月閒

南窓精舍北窓山
對面梅花冰雪間
開到梅花春色早
四時忙迫境常閒

道院

瀑奔山自靜
花落草留香
曳竹穿雲去
採芝消日長

雨來

石燕山邊急雨來
踏青人去馬歸嘶
東林風應西林响
雲共落花爭渡溪

冬至

今日平分一半冬
一陽初長六陰窮
剝翻碩果萌坤底
復見天根生震宮
君子道如元酒淡
野翁心與太初同
窓前意思梅枝好
莫折梅根共養蒙

冬日新晴郊行

半月痴雲擁晦暝
今朝雲捲見山城
雪消籬落動春意

金定巳年
卷十一
密為梅花出晚晴野逕多岐隨馬去亂鴉落處偶詩成
相逢茅屋何年老羊栗灰前太古情

齋居

方丈虛齋自廓寥竹窓茅袖兩蕭蕭門閒白晝蛛絲度
風定綠陰禽語嬌人戴天心能長物春涵帝力不知堯
偶然點易便多事滴露研硃損藥苗

秋晚獨立

晚來獨立倚溪門擁地黃金落葉新谷應犬聲鳴隔岵

月推山影壓西鄰一川萬古黃昏景百歲幾時光霽人
立到清寒十分處却將一醉見天真

過龍門

龍門深更阻悄悄路幽長山擘兩岼石溪蟠九曲腸烟
雲先暮色花木殿春光夕照猿猱外採山人正忙

隱士

無復風雲夢長吟太古歌草廬知事少花塢得春多散
屐印芳綠開樽駐少醅北山謝逋客慚不到盤阿

元夜觀燈

東風吹軟上元時
綵結鰲山闕
巧魏萬國山河圓
月影九街燈火駐
春輝鈞天夢遠
朱樓香墮珥香消
翠輦歸誰洗
紛華天下眼
復觀純素訪
穉韋

乞巧

天孫勞指苦無窮
何事佳人乞更工
一氣返純大巧拙
七襄無數小東空
竹窓欲暝疎疎雨
葛袖驚秋淡淡風
寫罷微吟斟老瓦
洵洵不識是洪濛

秋江

江樓倚秋色渺渺思無窮
今古三千里悲歡幾轉蓬
雁分空水碧蓼讓晚楓紅
莫負文章宴幽靈借便風

遣興

冉冉春將暮無詩花鳥猜
月高山影縮虹斷雨聲來
何者為佳士逢時是雋才
海棠紅滿徑且共上歌臺

宴芳園

烟景媚芳園芳園更媚晴
鶴隈孤竹立鹿載落花行
鼓

吹春心蕩簷絲淑氣平
好天入良夜春在月華明

幽居

繞屋竹無數開門山有餘
縱遊隨境去觀妙燕尸居
曉汲先分鶴晨炊待送魚
歸來彭澤令興味恐相如

潘心月

龍山寓舍

春烟藏碧樹樹更藏鴉
浮世難為客安居即是家
柔風行柳絮淡月吠池蛙
無以娛慈母籬邊種菊花

冬日山居

一犬吠柴扉牛衣晒短籬
梅花村巷酒風雪野橋詩屋
小雲分住家貧鶴柰饑
莫言霜逕滑世路更崎嶇

林德暘

漁笛

三弄知何處蒼茫起釣舟
閒將千古意吹入一江秋
驚雁顧殘侶寒風生別洲
曲終和月卧無夢到涼州

趙芝室

自遣

多病相如尚愛文
心期老去共誰論
十年燈火客羣在
半世江湖詩眼昏
竹葉盃中消日月
梅花枝上識乾坤
何時去作青山隱
獨疏太玄深閉門

羅梅我

和劉草窓雪

人倚梅花管領春
炯如玉樹出瑤林
雖無遠客冲寒訪
喜有幽人忍凍吟
一夜溪山俄曉色
十年宇宙此初心

劉郎情意憑誰寫莫遣梁園擅賞音

雪

漫漫飛絮滿空揚獨倚高寒俯八荒萬宇如銀冬暴富
三冬無月夜增光欲邀東郭難尋道要覓南枝只認香
說與朱門歌舞者還知客有卧袁僵

元風雅後集卷十一

欽定四庫全書

元風雅後集卷十二

元孫存吾編

危希尹

町江人

糊窓短歌

峨眉影動半輪月
巫峽山頭看晴雪
只愁夢裏見梨花
一夜海風吹石裂
波浮洞庭光玲瓏
玉纖剪水描秋空
丈夫壯志在皎皎
俗子羶帳徒重重
盤鴉字出人未識
影不搖紅燈照席
三年刻楮正自憐
乞巧何能逢七夕

十雪題詠

李草窓

韓王堂雪

太祖出幸

警蹕無聲輦路平
黃龍密衛至尊臨
睡翻一榻風寒凜
坐暖重茵夜色深
門外飛花天地曉
爐邊定策帝王心
玉笙吹徹江南雨
人擁羅衾正醉吟

嚴春山

撫州人

韓王堂雪

帝星夜度紫薇宮
滕六先驅擁玉驄
立處袍生風絮白
坐間烟暖地爐紅
宋家數百年天下
普弟兩三盃酒中
榻外有人方鼾睡
夢回花月小樓東

葉水村

龍泉人

伊川門雪

游揚侍立

戶屢天寒侍講惟
先生瞑目坐如尸
丈函立久已潛悟
尺瑞積深渾不知
白室虛生初見頃
紅爐點化且休時
一家教法清和異
伯子春風更可師

袁安道

袁安卧雪

高卧洛陽

世界瓊瑤別一船出門半步即風寒
飛花上下山河異卧榻中間天地寬
無過客來行迹少作干人態此時難
立身大節當然耳豈意清高却得官

陳應江

李愬灌雪

襲平蔡柵

玉龍戰罷舞殘鱗常侍來虛夜進兵
槽馬疾騰乘殺氣

池鵝亂擊雜軍聲
文城風急嚴師律
洄曲雲低壓賊營
士女迎門笑相語
曉來春滿蔡州城

王劍川

王猷溪雪

訪戴安道

心事微茫剡曲流
夜寒風定六花收
山川一色天如畫
上下交光月在舟
自醉自吟懷渺渺
興來興去水悠悠
歸歟怕折堂前竹
首問平安如昨不

李蒙齋

李及郊雪

訪林和靖

漠漠長堤溢絮漫使君來叩隱君關天寒誰信五馬出
湖凜惟隨一鶴還林麓清無群從混梅花冷伴二翁閒
他時白集歸舟月別去先生不汗顏

陳天霽

蘇武抵雪

北海守節

海上間關十九年孤臣凍死不呼天忍將膝與羊俱跪
誓把心同節共堅哀鬢霜飛甘卧窖剛腸冰透只餐旃

當時不為求芻故千古高飛只凜然

鄭溥

鄭紫驢雪

滿橋吟思

長憶飄然灞水涯此時此景客那知
風前策蹇蕭蕭遠橋外冲寒去去遲
飛絮一鞍披野服落梅雙鬢染吟髭
思清如許寧無句定恐當年有逸詩

孫平齋

孫康書雪

夜映讀書

偷光不肯學匡衡
千古先生以介名
造物憐人共清白
夜窓無月亦光明
恍疑藜杖炊烟照
誰信銀河剪水成
他日烏臺霜凜凜
依然氣槩老書生

劉南金

歐陽詩雪

禁體題詩

鹽絮飛飛語濫觴
如何說馬到驪黃
北方明禁千餘字
條令昭垂六乙堂
穎士筆茅成束手
坡翁戰鐵可爭光
采薇只把霏霏說
刪後多安床上床

吳師道

十臺懷古

姑蘇臺

百花洲上姑蘇臺
吳王宴時花正開
半空畫燭西子醉
三更鐵甲東門來
吳波渺渺吳山簇
不見嬌顰倚闌曲
丹楓落月怨啼烏
碧草東風驚走鹿
闔廬邱墓相連處
應恨夫差迷不悟
斷指千年血未乾
游魂夜哭臺前路

章華臺

靈王傾國崇臺宇按劍章華睨中土弁裳伏地走諸侯
鐘鼓凌空震三楚騁驕不顧伍子謀落成乞與吳邱游
孤舟竟走江上路塊土獨枕山中愁十年伯氣終蕭瑟
回首華容歸不得饑魂漂泊啼秋烟細腰却舞新王前
朝陽臺

神娥縹緲高唐上楚宮樓閣森相向丹楓蒼桂涌孤闕
錦石清江簇連嶂行雲冥冥飛雨寒孤猿咽咽千花間
翠旂龍駕杳何處斷魂殘夢愁空山微臣宋玉誇此賦

當日襄王豈真遇千古秋風恨未平高泉飛落三巴怒
黃金臺

昭王銳志夷青社築土懸金奉賢者四方劍佩集強燕
千里風塵空駿馬郭君自舉先群豪樂生獨步超凡曹
酬恩一雪伯國恥連功並倚雲天高君臣意氣千年少
落日荒墟沒秋草黃金買貴滿長安惆悵英雄布衣老
戲馬臺

項王戰馬從東來意氣蹴踏全秦摧入關不共沛公轡

還鄉却上彭城臺重瞳按劍風雲靡萬足騰空烟霧起
淒涼咳下泣名騅零落江濱餘數騎寄奴千載心爭雄
登高把酒臨秋風詐移晉鼎非男子君看百戰英雄死

歌風臺

沛宮置酒君王歸酒酣思慘風雲飛兒童環臺和擊節
父老滿座同沾衣一歌豐沛白日動再歌淮楚長波湧
龍髯氣拂半空寒虎士心馳四方勇山河蕭瑟長陵荒
野中怒响猶飛揚歌臺未傾風未息故鄉之恨那有極

望思臺

桐人氣迫前星黯
思子宮成歲華晚
高臺有恨碧草新
大野無蹤金犢遠
一朝弄兵兒罪輕
百年鍾愛天倫深
戾園魂魄夜寂寂
湖城風雨秋陰陰
漢宮樓觀連天起
方士熏香召仙鬼
望思望思終不歸
茂陵老淚如傾水

銅雀臺

半空高棟翔金雀
玉宸總帷塵漠漠
西陵老樹暝色寒
建安殘妓春情薄
曲終紅袖辭尊前
簷傾斷甍飛人間

金定四庫全書 卷十二
分香淚老恨不減秋風吹入桃花斑漢家一片如膏土
肯為奸雄載歌舞銷盡曹瞞萬古魂落日漳河咽寒雨

鳳凰臺

金陵王氣飛祥雲鳳凰臺上聲和鳴鳳來春風花冥冥
鳳去秋風荒草生嬌娥舞散高城暮青山迴隔丹邱路
斜陽門巷語烏衣細雨汀洲飛白鷺江空天濶鳳影遙
謫仙吟斷誰能招六朝宮闕烟蕭颯月明夜半人吹簫
凌歊臺

大明天子遊南國紅粉三千臺百尺歌鐘擊浪楚日白
簾攏凝樹湘雲碧凌歊高宴金輿來侍臣狎笑朱顏開
臺成宮扉鎖花柳寄奴土障生塵埃昏昏醉夢春風幾
不顧江東數千里酒罷歌闌帝業銷青山空映當塗水

秋懷三首

江南木葉飛江北百草黃風烟淡莽蒼悵望川途長寒
魚聚其羣鴻雁忽成行俯仰念時物索居耿淒涼昔我
二三友敦好攻文章漂零轉相失尺素不得將人生四

方志企爾揚聲光登山豈無車涉水亦有航真誠諒不
隔離別庸何傷

忽忽意不懌獨步登高丘羣山紛虬蟠前當大河流八
月草木凋萬里風雲愁寒晶蕩白日孤鴻去悠悠鴻飛
不可極其下禹九州古來英雄士百戰橫戈矛念我當
壯年弗獲茲地游豈無干時畧欲往誰見收君看天馬
駒失足羞羗牛

我居雖廛中無營澹昏晨出門少朋從入室誰與言揚